



Yunus Qandım

s i i r l e r



Yunus Qandım

VATAN



**Qurlıyt! Qurlıyt! Turnaçıq,
Altın telli qurnazçıq.
Kezdi pek çoq illerni,
Kördi orman, çöllerni.**

**Bizler ondan soradıq:
- Altın telli turnaçıq,
Eñ güzel yer, ayt, qayda,
Cenüptemi, ya ğarpta?**

**Turnaçıq qanat qaqıp,
Dedi bizlerge baqıp:
- Eñ yahşı yer mindadır,
Eñ güzel yer Uatandır!**



Yunus Qandım Bayrağım

**Kök bayrağım yelpirey,
Qaviy tutam elimde.
Yavuz yelni estirtmey
Yeşil qırım kökünde.**

**Ey, benim kök bayrağım,
Men küçüçik olsam da,
Saña asker olurım,
Tıñlıq olsun yurtumda!**



Yunus Qandım

MEKTEP

**Oduncılar, taşçılar,
Uçuncılar, aşçılar,
Gemiciler, çobanlar,
Aydaucılar, bağçevanlar,
Ekimler ve yirciler,
Yazıcı ve dağcılar
Oqudılar birinci
Sınıfta bir vaqıtlar.
Elifbeni ilk kere
Olar mında açtılar.**

**Ocapçeñiz, ocañız
Mında bilgi aldılar.
Endi naubet sizlerge,
Yahşı oquñ, balalar.
Yıllar tez kelip keçer,
Suu kibi aqar keter.
Mektep aziz bir yerdir,
Mında bilgi aşlanır.
Büyük ömürge yollar
Şu mektepke başlanır.**



Yunus Qandım

Yazmağa öğrenemiz

**Qoqlamniñ adı Arzı,
Ögretem oña yazı,
Qalem berem qoluna,
Kâğıt qoyam aldına.**

**Arzı, niçün yazmaysıñ,
Kâğıtqa de baqmaysıñ?
Altın saçlı Arzıçıq,
Ne de inat bu qızçıq?!**

**Arzı, "eki" qoyarım,
Yazsañ, sennen oynarım.
Yaz, Arzı, tut qalemni,
Şaşırayıq alemni.**

**Sen yazarsıñ adımını,
Men yazarım adımını,
Ögrenirmiz yazmağa,
Atta resim çizmağa.**



Yunus Qandım

Eki + eki = suv yırı

**Eki dane qar danesi
Dersiñ eki peruane.
Külümsirep, qolğa qona
Qarçıqlar dane-dane.**

**Soñra kene eki dane
Qar danesi elime
Kelip qona, külip-külip
Baqalar bet-közüme.**

**Bir-birine sarılalar,
Çıñlaşacaq olalar.
Baqsam,**

**Beyaz peruaneler
Bir tamçı suğa,
Bir tamçı sırğa,
Bir tamçı yırğa
Döngenler ...**

Yunus Qandım

**Azbarda öse selbi –
Başı tiye bulutqa,
Her kün aytıp "Ay-nenni" –
Balalarnı yuqlata.**

**"Yuqlañ, balalar, – dey selbi, –
Çoq tüşler bar qoynumda.
Kim birinci yuqlasa,
Bir tüş ediye oña".**

Yunus Qandım



Ayuvçıq

**O yaq, bu yaq sallanıp
Eki de-bir taulanıp,
Kele peluan ayuvçıq
Ağızı, burnı ballanıp.**

**”Uız-uız” uça balqurtlar,
Tişleycekler tutsalar
”Peluan”adlı hırsıznı,
Bu çaya pervasıznı.**



**Peluan körip balqurtnı
Batırlığın unuttı,
Şaşmaladı, utandı,
Qorqaqlığın tanıdı.**

**Dedi: ”Bağışla, qurtım,
Canım-közüm balqurtım,
Endi hiç de yañlışmam,
Baliña köz taşlamam”.**

**Şunda dedi balqurtçıq:
”Bal isteseñ, peluançıq,
İzin sora sen bizden,
Utanmazsıñ kimseden”.**



Yunus Qandım Küneşçik



**”Çüu-çüu!” - ete çipçeçik,
- Baqıñ, - dey, - men - küneşçik!**

**Çoquçım, qanatlarım,
Şaule kibi, sap-sarı.**

**Men sevem yırlamağa,
Küneşnen oynamağa,
Saba çıqsam kezmege,
Selâm berem er keske.**

**Küneş meni sıypalay,
Nurlarinen piyazlay.**

Anam ise quvana:

”Küneşçigim!” - dey maña.





<http://qirimjr.org/>